



Publicaziuns dalla vischnaunca, jamna 38

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2012-1033

Mario Lombris, Via Dulezi 6, 7180 Disentis/Mustér; renovaziun dil clavau existent, parcella 3561, Caischavedra, 7182 Cavardiras.

Nr. 2012-1050

Corporaziun d'aua Las Fontaunas, 7183 Mumpé Medel; remplazzar il reservuar a Vitgava, parcelles 2400 e 2401, Vitgava, 7183 Mumpé Medel.

Nr. 2012-1059

Albert Buholzer, Via Sum Crusch 2, 7183 Mumpé Medel; sanaziun dil parcadi e construcziun d'in niev mir da sustegn, parcella 2250, Sum Crusch 2, 7183 Mumpé Medel.

Quellas lubientschas san vegnir contestadas enteifer 30 dis dapi la publicaziun el Fegl ufficial dalla Surselva tier la Dertgira administrativa dil cantun Grischun.

Disentis/Mustér, ils 18-9-2012
Uffeci da baghegiar Disentis/Mustér

Votaziun federalas e cantunalas

L'**urna principala** en casa communal ei aviarta sco suonda:

Sonda, ils 22-9-2012 18.30–19.30

Dumengia, ils 23-9-2012, 9.00–11.00

La documentaziun da votar duess mintga votant(a) haver obteniu. Cass cuntrari san ins s'annunziar immediatamein, denton **sil pli tard entochen venderdis, ils 21 da settember 2012 allas 17.00** tier l'administraziun communal (tel. 081 920 36 36).

Levgiament da votar

Mintga votant(a) ha la pussevkladad da dar giu sia vusch a scret. En gliez mument sto el/ella observar il suandont:

1. Emplenir ora ils cedels da votar e metter quels en la cuviarta da votar e serrar giu ella.
2. Metter la cuviarta da votar ensemen cun il certificat dil dretg da votar suttascret en la cuviarta, cun la quala Vus haveis obteniu la documentaziun da votaziun.
3. La cuviarta ch'ei adressada all'administraziun communal saveis Vus tarmetter cun posta (supplicau da francar) ni directamein fierer en la scaffa da brevs dalla casa communal.

Ils cedels da votar ston esser sil pli tard la **sonda, ils 22 da settember 2012 allas 12.00** tier l'administraziun communal. Il certificat dil dretg da votar ei da suttascriber. Senza Vossa suttascripziun cun agen maun ei la votaziun **nunvaleivla**.

Suprastonza communal Disentis/Mustér

Taxa da cumpensaziun da pumpiers 2012

Tenor art. 12 dalla lescha da pumpiers dalla vischnaunca da Mustér ein students ed emprendists deliberai dil survetsch activ da pumpiers sco era dalla taxa da cumpensaziun. Nus fagein attents tut ils students ed emprendists sur 20 onns d'inoltrar a scret ina confirmaziun actuala dalla scola ni digl emprendissadi. Il mussament ei da tar - metter entochen **venderdis, ils 12 d'october 2012** all'administraziun communal, caum postal 57, 7180 Disentis/Mustér ni per e-mail (gberther@disentis.ch). Mo cun ina confirmaziun a scret sa la deliberaziun vegnir risguardada.

Gia ordavon grond engraziament per las breigias.

Administraziun communal Disentis/Mustér



Annunzias per la fiera s. Martin

La fiera da s. Martin ha liug uonn gliendisdis, ils **12 da november 2012**. Annunzias per stans da fiera ein da far a scret entochen mesjamna, ils **3 d'october 2012** all'administraziun communal. Annunzias suenter quei termin san buca pli vegnir risguardadas.

Administraziun communal Disentis/Mustér

Controlla da habitonts Naschientscha

Ylenia Maissen, naschida ils 4 da settember 2012, feglia da Arno e Nadjia Maissen-Flepp.

Radunonza generala dil vischinadi Mompé-Medel

Venderdis, ils 21 da settember 2012, allas 20.15 en La Scursalada a Mompé-Medel. Suenter radunonza dat ei in pign puschegn.

La suprastonza

Vischinadi Vitg: Radunonza generala Venderdis, ils 21 da settember 2012 allas 20.00 el hotel «Alpsu».

Tractandas:

1. Beinvegner
2. Elecziun d'in dumbravuschs
3. Prelecziun ed approbaziun dil protocol
4. Rendaquen e rapport dils revisurs
5. Nominaziuns per las elecziuns communalas 2012
6. Varia

Cordialmein envida *la suprastonza*

Rimnada da pupi

Venderdis, ils 5-10-2012

Adatg! Ei vegn mo rimnau: gasettas, illustradas, catalogs, cudischs e prospect stampai.

Il pupi sto vegnir deponius sper via (sche pusseivel in di avon). Igl ei impurtont da ligiar bein il pupi e da buca far memia gronds pacs. Engraziel. Nus rimnein buca cartun. Quel sa vegnir deponius a Raveras igl entir onn ora e quei las mesjamnas (16.00–17.30) e sondas (10.00–12.00) e buca duront la rimnada.

Bien engraziament per Vies agid e sustegn!
Scolas Mustér, Ch. Berger

Controlla da bulius

Dumengia, ils 23 da settember 2012 dallas 17.00– 17.30 ha liug avon l'entrada dalla casa da scola nova a Cons ina controlla da bulius. La controlla ei gratuita e succeda entras il controllader Egmont Heisch da Cumbel. In'ulteriura controlla ha liug ils 14 d'october 2012.

Organisau d'ina gruppa d'interess



Apparats d'udida

Gliendisdis, ils 24 da settember 2012, saveis Vus schar schubergiar e regular Vies apparat d'udida en Casa da tgira Sursassiala a Muster che sesanfla en claustra ed a Curaglia. A Muster ei il liug signalisau. A Muster naven dallas 14.00 tochen ca. las 15.15. A Curaglia naven dallas 15.30 tochen ca. las 16.30. L'uniun Pro Audito Chur cun signur Arthur Jacomet fa quei survetsch per tuts interessents gratuitamein. Cordiala invitaziun

Casa da tgira Sursassiala

Zavrada da nuorsas a Salaplauna/Mustér

Sonda, ils 29 da settember 2012

8.30–9.00 Scargada naven da Faltscharidas tochen a Salaplauna cun varga 1000 nuorsas

9.00–16.00 Fiera cun products da nuorsa ed auters products regionalis

9.30 Engraziament d'avat Vigeli per la stad alpestra e benedicziun dalla fumeglia e dils possessurs da nuorsas

9.00–16.00 Ustria cun carn tschut ed autras spezialitads dil gril

Tunder nuorsas – filar per affons – tombola

Infos: www.agricultura.ch

Cordial beinvegni!

Ils purs e las puras dall'alp Lumpeгна ed il Center sursilvan d'agricultura

La Biblioteca populara Disentis/Mustér presenta:

Las uniuns samaritanas da Mustér e Sedrun naven dils 24-9 tochen ils 12-10-2012.

Vus haveis la caschun da schar mesirar Vies puls e Vossa pressiu da saung (forsa duront leger in crimi ni ina historia d'amur):

gliendisdis, igl 1. d'october 2012 duront las uras d'emprest (18.30–20.00) en biblioteca.

Nus selegrein sin Vossa viseta!

Il team dalla biblioteca e las uniuns samaritanas

Colonna d'agid Mustér

Cuors da reiver per affons

Gia dapi biars onns oganisescha la Colonna d'agid Mustér mintga stad cuors da reiver per affons. Per dar era igl atun la pussevliadad da trenar da reiver vegn organisau duront 9 mesjamnas sera in cuors da reiver per affons dalla 2. entochen 4. classa.

Liug: halla da reiver el Center da sport e cultura, Mustér

Entschatta: mesjamna, ils 24-10-2012 2. entochen 4. classa, 17.15–18.45

Menaders: commembers dalla Colonna d'agid Mustér cun brevet giuventetgna + sport

Annunzias: Entochen **gliendisdis, ils 22-10-2012** alla Colonna d'agid Mustér, Andri Hendry (tel. 081 947 62 02 ni e-mail: fam.hendry@bluewin.ch)

Segirada ei caussa da mintga participont/a.

Grazia al schenghetg da Nadal dalla Banca Raiffeisen

Cadi ei il cuors d'uonn gratuits.

Colonna d'agid Mustér

Vorankündigung

Sammelaktion «Velos für Afrika»

Siehe unter Surselva.
